



Mjesto i datum: Sarajevo, 16. decembar 2022. godine.

Udruženje „Atlantska inicijativa“ u sklopu projekta „Prevenција radikalizacije, nasilnog ekstremizma i terorizma“ podržanog od strane Ambasade Kraljevine Norveške u Bosni i Hercegovini, raspisuje:

POZIV ZA DOSTAVLJANJE PONUDA ZA NABAVKU USLUGA ISTRAŽIVANJA JAVNOG MNJENJA

1. PREDMET NABAVKE

Predmet nabavke je kvantitativno i kvalitativno istraživanje stavova građana u cijeloj Bosni i Hercegovini o NATO vrijednostima i stranom malignom utjecaju.

2. KRITERIJUM ZA DODJELU UGOVORA

Ocjena dostavljenih ponuda biće izvršena primjenom kriterijuma odnos cijene i kvaliteta na sljedeći način:

Metodologija i reference 55%

Menadžment projekta i mreža anketara 15%

Finansijska ponuda 30%.

3. JEZIK PONUDE I PRETHODNI PORFOLIO

Ponuda moraju biti dostavljena na jednom od službenih jezika Bosne i Hercegovine. Portfolio i prethodna iskustva mogu biti dostavljena i na engleskom jeziku.

4. NAČIN DOSTAVLJANJA PONUDA

Ponude se dostavljaju u printanoj formi putem pošte ili elektronskim putem.

Ukoliko se ponuda dostavlja elektronskim putem, treba da bude dostavljena u PDF formatu, potpisana kvalifikovanim elektronskim potpisom ovlašćenog zastupnika ponuđača i dostavljena na mail adresu: atlantska.incijativa@gmail.com

Printana forma:

Atlantska inicijativa
Despićeva 3
71 000 Sarajevo

5. ROK ZA DOSTAVLJANJE PONUDA

Ponude moraju biti dostavljene najkasnije do **01.02.2023. godine do 12h**, bez obzira na način dostavljanja. Ponude koje se dostavljaju u printanoj formi moraju se dostaviti zatvorene, uz napomenu „NE OTVARATI“, bez tragova otvaranja ili fizičkog oštećenja koji bi ukazali na moguće otvaranje, uz naznaku da se radi o postupku nabavke usluga istraživanja javnog mnjenja.

6. ROK ZA DONOŠENJE ODLUKE O DODJELI UGOVORA

Ponude će se otvarati u roku od 7 dana nakon zatvaranja konkursa, o čemu će ponuđači biti blagovremeno obaviješteni. Prezentacija predložene metodologije će biti organizirana na datum otvaranja ponuda.

Dodatne informacije mogu se dobiti telefonom na broj 033/262-645 / 033/262-646 ili e-mailom na adresu atlantska.inicijativa@gmail.com najkasnije do **25.1.2023. godine**.

Kontakt osoba: Nejra Veljan

Atlantska inicijativa zadržava pravo da otkáže proces nabavke usluga u bilo koje vrijeme prije dodjeljivanja ugovora, a pri tome ne snosi nikakvu odgovornost prema ponuđačima.

7. OPIS ISTRAŽIVANJA

Integracija u NATO i EU smatraju se ključnim za budućnost zemlje i stabilnost šireg zapadnog Balkana, ali također stvaraju određeni stupanj napetosti u regiji. Građani koji žive u Republici Srpskoj (RS), jednom od dva entiteta BiH, Rusiju gledaju kao tradicionalnog saveznika. Prema dosadašnjim istraživanjima mali procent građana u RS-u podržava integracije u NATO. Ruska invazija na Ukrajinu je pojačala neke od ovih napetosti, a diskurs koji podržava invaziju pojavio se iz RS-a, posebno iz etno nacionalističkih stranaka i krajnje desničarskih skupina.

Naš cilj u ovom istraživanju bit će utvrditi kako bi se promicanje 'NATO vrijednosti' - tj. demokracije, ljudskih prava i vladavine prava - moglo mnogo učinkovitije koristiti u BiH za mobiliziranje neiskorištenog potencijala demokratskih ideala, društvene otpornosti vojna učinkovitost i kohezivnost NATO-a. Atlantska inicijativa smatra svoj rad na podizanju svijesti o stranim malignim utjecajima dijelom svojih širih napora da spriječe nasilni ekstremizam, posebno s obzirom na načine na koje su ekstremno desničarski pokreti aktivirani mnogim od tih utjecaja i geopolitičkim okolnostima. Kao što je naše istraživanje prethodno pokazalo,

potreban je sveobuhvatan i proaktivan demokratski angažman ako BiH želi probiti paralizirajuću mrežu ispletenu ekstremističkom ideologijom, hibridnim ratovanjem i zastupnicima velikih sila. Stoga je važno da NATO također prepozna suparništvo velikih sila i borbu protiv terorizma i nasilnog ekstremizma kao međusobno povezane. Iz tog razloga predlažemo da se u ovom projektu istraživanje usmjeri na ulogu NATO-a u borbi protiv stranog malignog utjecaja na terenu u BiH.

Istraživanje javnog mnijenja o NATO-u u BiH bit će središnje mjesto u ovom pothvatu. Integracija BiH u NATO i dalje je vrlo polarizirajuća tema u medijima u zemlji i u dominantnim političkim narativima. No, nema relevantnih istraživanja o povezanosti simpatija prema nasilnom ekstremizmu, stranim malignim utjecajima te pogleda i stavova građana prema NATO-u. Atlantska inicijativa želi sprovesti istraživanje na nacionalnoj razini kako bismo pomogli u utvrđivanju relevantnih korelacija.

Istraživanje treba da obuhvati sljedeće teme:

1. Koji čimbenici i taktike podupiru strane maligne utjecaje;
2. Kako strane maligne države iskorištavaju ranjivosti unutar BiH;
3. Kakva je uloga i položaj NATO-a u krajnje desničarskim narativima;
4. Koji faktori grade otpornost protiv stranih malignih utjecaja;
5. Kako se promjenjiva geopolitička dinamika (npr. ruska invazija na Ukrajinu, proširenje NATO-a, strategija EU prema BiH) manifestira u lokalnim zajednicama i identitetskim skupinama u BiH, posebno na načine koji imaju polarizirajući učinak;

Ovo istraživanje će uključiti kvantitativne i kvalitativne podatke.

7.1. Kvantitativno istraživanje

Imajući u vidu široki opseg istraživanja upitnik treba da se sastoji od više segmenata pitanja, i treba da sadrži najmanje 20 pitanja. Uzorak treba da bude stratificiran i da obuhvati cijelu Bosnu i Hercegovinu.

Rok za završetak istraživanja i dostavljanje izvještaja Naručiocu je 20.04.2023. godine.

7.2. Kvalitativno istraživanje

Nakon izvršenog anketiranja, na osnovu preliminarne rezultata te za teme koje se identifikuju kao relevantne, ponudom je potrebno predvidjeti naknadno sprovođenje fokus grupa u prethodno uzorkovanim prostorima (minimum po 5 fokus grupa u prostoru).

Rok za završetak istraživanja i dostavljanje izvještaja Naručiocu je 20.04.2023. godine.

7.3. Organizacija metodološke radionice

Nakon dostavljanja ponude, odabrani ponuđač zajedno sa naručiocem posla treba organizirati dvodnevnu radionicu na kojoj bi se prihvaćena ponuda razvila u skladu sa potrebama naručioca.

8. ELEMENTI PONUDE

Pravo učešća na konkursu za kreiranje i sprovođenje istraživanja imaju institucije/agencije registrovane za pružanje usluga istraživanja javnog mnjenja.

Ponuda za pružanje usluge istraživanja javnom mnjenja treba da sadrži tri dijela: tehnički, metodološki i finansijski dio.

8.1. Tehnički dio ponude treba da sadrži:

- Tačan naziv i adresu pravnog lica, broj telefona, faksa, e-mail i web adresu,
- Ovjerenu kopiju dokumenata o registraciji koja dokazuje da je pravno lice registrovano da pruža usluge istraživanja javnog mnjenja,
- Spisak referenci - dokaze o ranijim iskustvima iz oblasti istraživanja javnog mnjenja, sa posebnim naglaskom na iskustva u istraživanju društvenih fenomena,
- Podatke i biografiju odgovornog lica za sprovođenje aktivnosti.

8.2. Metodološki dio ponude:

Imajući u vidu sve navedeno, ponudom treba obuhvatiti i definisati sljedeće elemente:

- Opis metodologije, predloženi uzorak i podatke o mreži anketara i resursa koji su na raspolaganju.
- *Kvantitativno istraživanje građana*
 1. Uzorak: veličina, reprezentativnost;
 2. Upitnik: dužina, struktura;
 3. Metode za sprovođenje istraživanja;
 4. Finalni proizvod (izveštaji, baze, vizuelno predstavljanje istraživanja).
- *Kvalitativno istraživanje kroz fokus grupe*
 1. Broj fokus grupa;
 2. Broj pitanja/dužina trajanja.

Plan treba da obuhvati plan izvršenja ponuđenih usluga istraživanja i poželjno da sadrži:

Za Kvantitativno istraživanje građana – veličinu uzorka, dužinu upitnika, strukturu, metodu za sprovođenje istraživanja (obrazloženje zašto se koristi predložena metoda, uzorak itd), finalni proizvod, dinamiku i plan realizacije istraživanja, planirane ljudske resurse i sl.

Za Kvalitativno istraživanje kroz fokus grupe broj fokus grupa, broj pitanja/dužina trajanja, dinamiku i plan realizacije istraživanja.

8.3.Finansijski dio ponude

Finansijski dio ponude treba da sadrži prijedlog budžeta (po budžetskim linijama) za sprovođenje istraživanja i navedenih aktivnosti i obračun svih poreskih obaveza u skladu sa važećom poreskom regulativom.